

去甘疮。以灰淋汁，蚀息肉，除白癫风、黑子、面黥。着肉作疮。藏器。

【附方】新一。疔疮恶肿野灰藜菜叶烧灰，拨破疮皮，唾调少许点之，血出为度。普济。

子仁

【气味】甘，平，无毒。

【主治】炊饭磨面食，杀三虫。藏器。

藜

【释名】莱、红心灰藜、鹤顶草、胭脂菜。

叶

【气味】甘，平，微毒。

【主治】杀虫。藏器。煎汤，洗虫疮，漱齿藜。捣烂，涂诸虫伤，去癫风。时珍。

【附方】新一。白癫风红灰藜五斤，茄子根、茎三斤，苍耳根、茎五斤，并晒干烧灰，以水一斗煎汤淋汁熬成膏，别以好乳香半两，铅霜一分，膩粉一分，炼成牛脂二两，和匀，每日涂三次。圣惠。

茎

【主治】烧灰，和荻灰、蒿灰等分，水和蒸，取汁煎膏。点疣赘、黑子，蚀恶肉。时珍。

芋

【释名】土芝、蹲鸱。

芋子

【气味】辛，平，滑，有小毒。

【主治】宽肠胃，充肌肤，滑中。别录。冷啖，疗烦热，止渴。苏恭。令人肥白，开胃通肠闭。产妇食之，破血；饮汁，止血渴。藏器。破宿血，去死肌。和鱼煮食，甚下气，调中补虚。大明。

【附方】旧二，新二。腹中癖气生芋子一斤压破，酒五斤渍二七日。空腹每饮一升，神良。韦宙独行方。身上浮风



芋煮汁浴之。慎风半日。孟诜食疗。疮冒风邪肿痛。用白芋烧灰傅之。干即易。千金方。头上软疔用大芋捣傅之，即干。简便方。

叶茎

【气味】辛，冷，滑，无毒。

【主治】除烦止泻，疗妊妇心烦迷闷，胎动不安。又盐研，傅蛇虫咬，并痈肿毒痛，及罨毒箭。大明。梗：擦蜂螫尤良。宗爽。汁：涂蜘蛛伤。时珍。

【附方】新一。黄水疮芋苗晒干，烧存性研搽。邵真人经验方。

土芋

【释名】土卵、黄独、土豆。

【气味】根：甘，辛，寒，有小毒。



【主治】解诸药毒，生研水服，当吐出恶物便止。煮熟食之，甘美不饥，厚人肠胃，去热嗽。藏器。

薯蕷

【释名】薯蕷、土薯、山薯、山芋、山药、玉延。

【气味】根：甘，温，平，无毒。

【主治】伤中，补虚羸，除寒热邪气，补中，益气力，长肌肉，强阴，久服，耳目聪明，轻身不饥延年。本经。主头面游风，头风眼眩，下气，止腰痛，治虚劳羸瘦，充五脏，除烦热。别录。补五劳七伤，去冷风，镇心神，安魂魄，补心气不足，开达心孔，多记事。甄权。强筋骨，主泄精健忘。大明。益肾气，健脾胃，止泄痢，化痰涎，润皮毛。时珍。生捣贴肿硬毒，能消散。震亨。

【附方】旧一，新十。补益虚损益颜色，补下焦虚冷，小便频数，瘦损无力。用薯蕷于沙盆中研细，入铫中，以酒一大匙熬令香，旋添酒一盏搅令匀，空心饮之。每旦一服。圣惠方。心腹虚胀手足厥逆，或饮苦寒之剂多，未食先呕，不思饮食。山药半生半炒，为末。米饮服二钱，一日二服，大有功效。忌铁器、生冷。普济方。小便数多山药以矾水煮过、白茯苓等分，为末。每水饮服二钱。儒门事亲。下痢禁口山药半生半炒，为末。每服二钱，米饮下。卫生易简方。痰气喘急生山药捣烂半碗，入甘蔗汁半碗，和匀。顿热饮之，立止。简便单方。脾胃虚弱不思饮食。山芋、白术一两，人参